

# BÁIKEGODDELAČČAID JA SIERRA BIVDOERIID LOHPEHÁLDĐAŠEADJIID GUOLÁSTUS JAGIS 2019 (dát njuolggadusčoakkáldat sáhhtá dievasmahttojvot maŋŋil)

Dát njuolggadusčoakkáldat vuodđuduvvá Deanu čázádahkii dahkkon soahpamuššii ja dan čuvvosii, guolástannjuolggadussii (SopS 42/2017), guolástansoahpamuša 6: át artihkala vuodul spiehkastagaide, mat leat norgalaččaiguin ráđđádallon, sihke eana- ja meahccedoalloministeriija ásahusaide. Bajičállošiid vuolábealde leat čáhppadin dat teakstaoasit, mat spiehkastit guolástannjuolggadusas.

Čoakkáldat ii dattet čilge buot visot. Guollebivdi galgá ieš sihkarastit dan, ahte su bivdu lea lágalaš. Guolástannjuolggadus, dasa dahkkon spiehkastagat ja eana- ja meahccedoalloministeriija ásahusat leat Davimus Suoma Ealáhus-, johtolat- ja biras-guovddáža (Lapin ELY-keskus) neahttasiidduin "kalastus Tenolla"- čuoggá vuolde ja maddái Suoma láchadiehtobálvalusas, Finlex [www.finlex.fi](http://www.finlex.fi)

## **Meroštallan das, gii lea báikegoddelaš**

### **Fásta ássan Deanu čázádaga johkalegiin**

Guolástannjuolggadusa 2 §:a 1 momellantta 1 čuoggás oaivvilduvvon Deanu čázádaga johkalegiin fásta ássin adnojuvvo dakkár olmmoš, gean ruoktogiieldalága (201/1994) 2 §:s oaivvilduvvon ruoktogiieldan lea bivdobaji ovddit kaleanddarjagi maŋimuš beaivve leamaš Ohcejohka dahje Anár, ja son lea duođalaččat ássan Deanu čázádaga johkalegiin bivdobaji ovddit jagi áigge uhcimustá čieža mánotbaji.

Nuba dat olbmot, geat leamašan girjjiin Ohcejoga dahje Anára gielddain 31.12.2018 ja leat duođalaččat ássan 9 §:a mearrádusaid mielde guolástanbaji ovddit jagi áigge (ovdal 1.6.) uhcimustá čieža mánotbaji Deanu čázádaga johkalegiin, sis lea vuoigatvuohta fidnet ng. almmolaš báikegoddelašlobi.

### **Almmolaš báikegoddelašlohpi**

Almmolaš báikegoddelašlobi (guolástanlága (379/2015) 4 §:a 1:s momellantta 10:át čuoggás oaivvilduvvon guolástanvuoigatvuođa hálddašeaddji oažžu vuoigatvuođa guolástit guolástannjuolggadusa mielde buot lobálaš bivdosiiguin guolástannjuolggadusas mearriduvvon gáržžidemiid ja guolástanvuoigatvuođa nášunálalaš mearrádusaid mielde. Guolástanvuoigatvuođa hálddašeaddjin sáhhtá maid boahit guolástanlága 11 §:a vuodul láigosoahpamušain, mas lea láigosoahpamuša sirdinvuoigatvuođa. Guolástanlága 12 §:a vuodul osolačča addin lohpi geavahit iežas guolástanvuoigatvuođa (ng. luohpadeapmi) ii leat šat fámus Deanu guolástansoahpamuša vuoduštusaid vuodul dán guolástanbaji rájes rádjjahkaoasis.

Almmolaš báikegoddelašlohpi lea fámus olles guolástanbaji.

Almmolaš báikegoddelačča lobi haddin lea Deanu fápmuiboahhtinlága 10 §:a mielde meroštallojuvvon 40 euro/ bivdobadji.

**Guolástanvuoigatvuođa hálddašeddjin, dahjege almmolaš báikegoddelašlobi oamasteaddjin sáhtá maid beassat guolástanlága 11 §:a vuođul láigosoahpamušain, mas lea láigosoahpamuša sirdinvuoigatvuohta. Guolástanlága 12 §:a mielde osolačča addin lohpi geavahit iežas guolástanvuoigatvuođa (ng. luohpadeapmi) ii šat atte vuoigatvuođa báikegotti olbmo lohpaí. Láigosoahpamuša galgá čájehit go lea viežžamin lobi.**

### **Almmolaš báikegoddelašlobi lobálaš bivdobiervasat**

Guolástannjuolggadusa 3 logu 6 §:a 1 momaantta vuođul:

luosa, guvžžá, gudjora ja vallasa bivddus lobálaš bivdosat leat:

1. joddo- ja meardebuođu
2. njáנגgofierbmi
3. golgadat
4. stággu ja vuogga

Earáid go 1:as momaanttas oaivvilduvvon guollešlájaid bivddus lobálaš bivdosat leat:

1. njáנגgofierbmi seisova verkko
2. stággu ja vuogga
3. “katiska” lea fierpmis ja streaנגgas dahkkon bivddus man sisa guolli čaknjá
4. njága seaktefaggi jienja vuolde
5. nuohhti Anárjoga jávrriin Máhtegeavngnájá bajábealde.

Buot eará, go ovdalis oaivvilduvvon bivdosat ja guolástanvuogit, maddái “harrilauta” (govdu bivddus, mas leat mángga dolgevuokka) leat gildojuvvon.

### **Báikegoddelačča stággobivdolohpi**

Deanu čázádaga johkaleagis fásta orru olbmos, gii ii leat guolástanlága 4 §:a 1 momaantta 10 čuoggás oaivvilduvvon guolástanvuoigatvuođa hálddašeaddji, lea vuoigatvuohta guolástannjuolggadusa 4 §:a vuođul báikegoddelaš stággobivdolohpaí.

Deanu fápmuibidjanlága 10 §:a vuođul báikegoddelačča stággobivdoloji haddi lea 150 euro/ bivdobadji, goittotge vuollel 18-jahkásaš nuoraide 40 euro/ bivdobadji.

Báikegoddelačča stággobivdolobiin lea vuoigatvuohta bivdit stákkuin ja vuokkain gáttis ja fatnasis guolástannjuolggadusas mearriduvvon ráddjehusaid mielde.

Báikegoddelačča stággobivdolohpi lea fámus olles guolástanbaji (1.6.-20.8.2019).

## **Deanu čázádaga olggobealde orru sierra bivdoloheari guolástanvuoigatvuođa hálddašeaddji fanas- ja gáddeaggun**

Olmmoš, guhte ii ása fásta Deanu čázádaga johkaleagis, muhto oamasta guovllus guolástanvuoigatvuođalaš giddodaga, lea vuoigatvuohta oažžut dan giddodaga bokte guolástanlohejándoriid. (Guolástanjuolggadusa 2 §:a 1:as momeantta 2 čuoggás oaivvilduvvon bivdojoavku).

Guolástanjuolggadusa 5 §:a 4:át momeanttas oaivvilduvvon bivdoloheari mearri nannejuvvo Eana- ja meahccedoalloministeriija ásahusain.

Rádjálohkaguovllu guolástanvuoigatvuođa hálddašeddjis, guhte ássá fásta eará sajis go Deanu čázádaga johkalegiin ja *geas lea rádjajoga viidodagas oktasaš čáhceguvlui oasuslohku 0,5 dahje* son oamastá vástideaddji priváhta čáhceguovllu, sus lea vuoigatvuohta giddodaga nammii oastit *ovtta lohpejándora lohpeearis*. Ovdda bealde namuhuvvon oamastusossosa dahje čáhceviidodaga oamastusa meari badjelmanni oamastus addá vuoigatvuođa oastit lohpejándora oamastusa meari ektui. Lohpevuovdimis vástideaddji oasseballi meroštallá osolašlogahallama vuodul geardunlogu, man mielde vuoigatvuohta lasselobiide mearrášuvvá. Jagis 2019 dát gerddon lea 8.

Guolástanvuoigatvuođa hálddašeaddjin sáhtta boahit maid guolástanlága 11 §:a vuodul láigosoahpamušain, juos láigosoahpamušas lea sirdinvuoigatvuohta. Guolástanlága 12 §:a vuodul osolačča addin lohpi geavahit iežas guolástanvuoigatvuođas (ng. luohpadeapmi) ii atte vuoigatvuođa guolástit Deanu váldoalis. Láigosoahpamuša galgá čájehit lobi viežžadettiin. Láigosoahpamušas galgá dárkkistit erenoamážit dan, ahte soahpamušeaktun lea čállojuvvon, ahte guolástanvuoigatvuođa oažžu oamasteaddji gulakeahhtá sirdit goalmmát oassebeallái, vai guolástanlága 4 §:a 1:as momentta 10:át cuoggás oaivvilduvvon guolástanhálddašeaddji meroštallan dievvá. Guolástanvuoigatvuođa láigosoahpamuš galgá leat dahkkon ovdal go lobiid sáhtta várret lohpegávppis.

Giddodahkii gullelaš guolástanjándora lea vejolaš geavahit juogo guolástanjuolggadusa 4 §:a 3:át čuoggá oaivvildan fanaslohpín, mii addá vuoigatvuođa guolástit fatnasis stákkuin ja vuokkain, dahje 4:át čuoggá oaivvildan gáddelohpín, mii addá vuoigatvuođa oaggut gáttis stákkuin ja vuokkain.

- Fanaslohpi 10 e/jándor
- Gáddelohpi 5 e/jándor.

Guolástanjándoriid lonistanmávssuid bajimus rádján lea goit meroštallojuvvon 150 euro, man maŋŋá guolástanvuoigatvuođalaš giddodahkii vejolaččat báhcán guolástanjándoriid atnin lea nuvtá.

Lohpi lea fámus oktasaš rádjajoga guovllus, muhto gáddeaggun lea lobálaš dušše fal Suoma beali gáttis. **Lohpi addá vuoigatvuođa bivdit dušše fal dan guolástanguovllus, masa lohpi lea várrejuvvon ja lonistuvvon.**

Gáddeaggunlohpi lea fámus olles lohpejándora, mii álgá diibmu 19 ja nohká čuovvovaš beaivve diibmu 19.

Fanasbivdoloohpi lea fámus olles lohpejándora, mii álgá diibmu 19 ja nohká čuovvovaš beaivve diibmu 19.

Fanasbivdoloohpi addá vuoigatvuođa atnit fatnasis bivddus oktanaga eanemustá (3) golbma stákku, juohke stákkus oažžu leat okta vuogga. Fanasbivdobiin sáhtta guolástit oktasaš rádjájohkaguovllus. Fatnasis goit galgá leat báikkálaš suhkki Vuolle Geavngná guovllus, Boratbovccá ja Bildángoikka gaskkas.

Sierralohpeari fanaslobiin bivdi ii atnojuvvo báikegoddelaš suhkin. Giddodagaide gullelaš fanas- ja gáddelobit várrejuvvojit dálu giddodatdovddaldaga vuođul vuogádaga čujuhusas: <https://www.Tenonkalaluvat.fi/tilanomistaja> “kirjaudu” (čálit sisa).

Lohpesiidduin beassá várret sierra vahkuide giddodagaide gullelaš earis lohpejándoriid, maid sáhtta maŋnelis lohpekodain lonistit ja máksit báikkálaš lohpevuovdinbáikkis Ohcejogas. Lohpevuogádagas eai vealtakeahtta leat buot dálut, maidda earrelobit gullet. Deanu fápmuibidjanlága 12 §:a vuođul guolástanvuoigatvuođa hálddašeaddji galgá lobi oasttedettiin čájehit oamastanososis, čáhceviidodaga oamastusa meari, dahje vejolaš láigosoahpamuša.

Várrekahtta báhcán sierra bivdoeari lobit šaddet vuovdimassii turismabivdiid lohpearrái bivddu ovddit bearjadaga diibmu 15.

## **Oaggunbivdobadji**

Báikegoddelačča guollebivdu stákkuin ja vuokkain lea lobálaš geassemánu 1:as beaivvis borgemánu 20:át beaivái.

## **Eará guollešlájaid bivdoáigi**

Guolástanjuolggadusa 17 §:a mielde **eará guollešlájaid**, go luosa, guvžžá, gudjora ja vallasa, **sáibmabivdu lea lobálaš miessemánu 20 beaivvis geassemánu 15 beaivái**. Anárjogas ja Skiehččámis eará guollešlájaid bivdu lea lobálaš miessemánu 20:át beaivvis borgemánu 20:át beaivái.

Eará guollešlájaid bivddus oažžu leat eanemustá 2 mehtera vuoksás bodnesáibma, mas lea njuolgo fierbmi ja mii lea ráhkaduvvon ovttasigát nailonárppus, mii lea eanemustá 0.17 millimehtera nanu.

## **Bivdofierpmi čalbmegaska ja árppu láchki**

Luosa, guvžžá, gudjora dahje vallasa fierpmi, golgadaga ja buođu jottu baskkimus čalbmegaska lea 58 millimehtera mihtiduvvon njuoska fierpmis čuolmma guovddážiis čuovvovaš čuolmma guovddážiis.

Ovdalis 1 momeanttas oaivvilduvvon firpmiin oažžu atnit dušše hámppu, bummolullu ja nailončanasárppu dahje botnjojuvvon nailonis (nailon, perlon, terylena) dahkkon árppu.

Čadačuovgi ávdnasa, nugo ovttasigát nailonárppu, ii oaččo geavahit. **Botnjojuvvon nailona geavahettiin ovttá árppu sigát galget leat aseheabbot go 8 deniera.** Metállaárppu, metállabátti dahje eará dakkár materiála geavaheapmi bivdosiin lea gildojuvvon.

## **Golgadat**

Guolásteapmi golgadagain (almmolaš báikegoddelačča lohpi) lea lobálaš guolástannjuolggadusa 13 §:a mielde geassemánu 1:as beaivvis geassemánu 15:át beaivái vuossárggas diibmu 19 gaskavahkkui diibmu 19.

Guolástannjuolggadusa 24 §:a mielde golgadatfierbmi lea oktageardánis njuolggo fierbmi, mohki haga. Golgadatfierbmi oažžu leat eanemustá 45 mehtera guhku. Golgadettiin galgá guovtti golgadaga gaska leat uhcimustá 200 mehtera. Golgadatit oažžu hávil eanemustá 500 mehtera gaska.

Golgadettiin oažžu geavahit dušše ovttá fatnasa.

## **Njánngofierbmi**

Njánngofirpmiin bivdin (almmolaš báikegoddelačča lobiin) lea lobálaš guolástannjuolggadusa 14 §:a mielde geassemánu 1:as beaivvis gitta suoidnemánu 31:as beaivái. (Spiehkastahkan Anárjogas guolástanbajiin 2013-2015 bivdán johkaleagis ássiid guolástanbadji, mii bistá borgemánu 12:át beaivái).

Bivdoáigodagas 1.6.-15.7.2019 ja 1.-12.8.2019 gaskasaš áiggis bivdin njánngofirpmiin lea lobálaš vuossárggas diibmu 19:is gaskavahkkui diibmu 19:ái.

Bivdoáigodagas 16.-31.7.2019 bivdin njánngofirpmiin lea lobálaš vuossárggas diibmu 19:is duorastahkii diibmu 19:ái.

Luosa, guvžžá, gudjora ja vallasa bivdui oaivvilduvvon njánngofierpmis lea dárkileabbot mearriduvvon guolástannjuolggadusa 23 §:s.

## **Buođđobivddu áigodat ja bivdoáigi**

Buođđun (almmolaš báikegoddelačča lobiin) lea guolástannjuolggadusa 15 §:a mielde lobálaš geassemánu 1:as beaivvis suoidnemánu 31:as beaivái.

1.-15.6.2019 buođđun lea lobálaš vuossárggas diibmu 19:is gaskavahkkui diibmu 19:ái.

16.6.-31.7.2019 buođđun lea lobálaš vuossárggas diibmu 19:s duorastahkii diibmu 19:ái.

Doaresbuođu, čullo ja vuojahaga fierpmis galget loktejuvvot čázi bajábeallái dahje gáddái dalle go bivdu lea gildojuvvon. Buot eará gođabivdosiid oasit galget leat goike eatnamis.

Buođđun lea dárkileabbot meroštallojuvvon guolástannjuolggadusa 22 paragrafas. Muhto spiekkasa guolástannjuolggadusa 22 §:a 2 momeanttas, **dalle go doaresbuođus, čullos dahje vuojahagas geavahuvvo fierbmi, dan čalbmegaska galgá leat uhcimustá 58 mm ja materiálan oažžu leat dušše botnjojuvvon nailon (árppu sigát galget leat**

aseheabbot go 8 deniera), mas árppu nanuvuohta lea uhcimustá 1,1 mm (210/8x3 norgalaš árpu nr 8).

**Guolástusa guovloráfáiduhttimat sihke áigái ja mearrái guoskevaš ráfáiduhttimat**

### **Almmolaš vahkkoráfáiduhttin**

Guolástannjuolggadusa 7 §:a vuođul almmolaš vahkkoráfáiduhttin giel dá buot bovdu sotnabeaivvis dmu 19.00 vuossárgii diibmu 19.00 rádjái. Spiehkastahkan vahkkoráfáiduhttimis lea eará guollešlájaid go luosa, guvžžá, gudjora, dahje vallasá bivdin jávrrin 200 mehtera duohkin oivožis dahje guoikkavuolis.

### **Gildojuvvon oaggunguovllut**

Gildojuvvon oaggunguovllut guolástannjuolggadusa 12 §:a ja Suoma ja Norgga gaska soabaduvvon spiehkastamearrádusaid mielde leat:

- buođu čulluid siskkobealde ja 50 mehtera buođu vulobealde dahje 10 mehtera buođu gáddabealde
- 10 mehtera lagabu njággofierpmi
- šalddi alde
- oaggun lea gildojuvvon spiehkastatmearrádusain fatnasis ja gáttis dakkár siido- dahje oalgejogaid lahkosis, gosa luossa goargnu. Dát rájat leat mearriduvvon čuovvovaččat:
  - **Lákšjohka (NOR); viidodagas, mii ollá siidjoga njálmmis 50 mehtera bajás guvlui ja 300 mehtera vulos guvlui lagamus siidjoga gáttiin váldoali rastá Geavngáoi'sullos viestarii.**
  - **Veahčajohka ja Ohcejohka (FIN); viidodagas, mii ollá siidjoga njálmmis 50 mehtera bajás guvlui ja 200 mehtera vulos guvlui lagamus siidjoga gáttiin váldoali rastá čiekŋalis oali rádjái.**
  - **Goahppelašjohka (FIN); viidodagas, mii ollá siidjoga njálmmis 50 mehtera bajás guvlui ja 150 mehtera vulos guvlui lagamus siidjoga gáttiin váldoali rastá čiekŋalis oali rádjái.**
  - **Leavvajohka (NOR); viidodagas, mii ollá siidjoga njálmmis 50 mehtera bajás guvlui ja 100 mehtera vulos guvlui lagamus siidjoga gáttiin váldoali rastá. Oaggun lea lobálaš siidjoga njálmmi buohta nuppe beali gáttis.**
  - **Báišjohka (NOR); viidodagas, mii ollá siidjoga njálmmis 50 mehtera bajás guvlui ja 100 mehtera vulos guvlui lagamus siidjoga gáttiin váldoali rastá.**
  - **Njiljohka (FIN); viidodagas, mii ollá siidjoga njálmmis 50 mehtera bajás guvlui ja 200 mehtera vulos guvlui lagamus siidjoga gáttiin váldoali rastá. Oaggun lea lobálaš siidjoga njálmmi buohta nuppe beali gáttis.**

- Válgjohka (NOR); viidodagas, mii ollá siidojoga njálmmis 50 mehtera bajás guvlui ja 150 mehtera vulos guvlui lagamus siidojoga gáttiin váldooali rastá.
- Áhkojohka (FIN); viidodagas, mii ollá siidojoga njálmmis 50 mehtera bajás guvlui ja 200 mehtera vulos guvlui lagamus siidojoga gáttiin váldooali rastá. Oaggun lea lobálaš siidojoga njálmmi buohta nuppe beali gáttis.
- Kárašjohka (NOR) (gokko Anárjohka ja Kárašjohka bohtet oktii); viidodagas, mii ollá goabbáge oalgejoga njálmmis 50 mehtera bajás guvlui ja 200 mehtera Deanu vulos guvlui ja johkaoali rastá.
- Garegasjohka (FIN); viidodagas, mii ollá siidojoga njálmmis 50 mehtera bajás guvlui ja 100 mehtera vulos guvlui lagamus siidojoga gáttiin váldooali rastá.
- Iškorasjohka (NOR); viidodagas, mii ollá siidojoga njálmmis 50 mehtera bajás guvlui ja 100 mehtera vulos guvlui lagamus siidojoga gáttiin váldooali rastá.
- Goššjohka (NOR); viidodagas, mii ollá siidojoga njálmmis 50 mehtera bajás guvlui ja 100 mehtera vulos guvlui lagamus siidojoga gáttiin váldooali rastá.
- Anárjohka (NOR), gokko Anárjohka ja Skiehččánjohka bohtet oktii; viidodagas, mii ollá siidojoga njálmmis 50 mehtera bajás guvlui ja 100 mehtera vulos guvlui lagamus siidojoga gáttiin váldooali rastá.

### **Gođabivdosiid meari gáržžideamit**

Guolástannjuolggadusa 16 §:a mielde go luosa, guvžžá, gudjora dahje vallasa bivdá golgadagain, njánnggofirmiin dahje buođuin, sáhtta seammá áigái geavahit dušše **ovtta bivdosa gažaldat vuloš bivddus dakkár bivdovuoigatvuođalaš giddodaga** olis Suomas. Fierbme- ja buođdobivdovuoigatvuođat leat álo čatnosis giddodahkii.

### **Fierbmebivddu gielddusguovllut**

Guolástannjuolggadusa 27 §:a 1 mom. mielde dakkár siidojoga buohta, masa luossa goargnu, váldojogas siidojoga bealde oali rádjái ii oaččo suohpput njánnggofierpmi, ii golgadi, iige buođđut siidojoga vuolábeallái 200 mehtera lagabui siidojoga ja váldojoga gaskasaš rájá.

Spiehkastat, guolástannjuolggadusa 27 §:a 2 momeantta **ii leat šat fámus.**

### **Deanu fátnasiid registeren**

Guolástannjuolggadusa 8 logu 36 §:a mielde báikkálaččat, gain lea guolástannjuolggadusa 2 §:a mielde fierbmebivdovuoigatvuohta ožžot registeret

eanemustá golbma (3) fatnasa (Almmolaš báikegoddelašlobi hálddašeaddjit). Báikkálaš olbmot, geain lea 2 §:a mielde fierbmebivdovuoigatvuohta ja geat dasa lassin doibmejit turismaealáhusas, ožžot registeret eanemustá 15 fatnasa. (almmolaš báikegoddelačča lobi hálddašeaddjit + turismaealáhusfitnodagat).

Eará báikkálaš bivdit (báikegoddelačča oaggunlohpi) ožžot registeret eanemustá ovtta (1) fatnasa.

Guolástanvuoigatvuođa hálddašeaddjiin, geat orrot eará báikkis go Deanu čázadaga johkalegiid fásta ássit, lea vuoigatvuohta registeret giddodahkii ovtta (1) fatnasa. Eaktun lea, ahte giddodaga oasuslohku lea rádjájoga oktasaš čáhceviidodagas 0,5 dahje giddodahkii gullá dien sturrosaš priváhta čáhceviidodat.

Fatnasa registeremis mearriduvvo nášunála lánkaásahemiin. Deanu fatnasiid registeremis vástida Lappi Ealáhus-, johtolat- ja birasguovddáža Ohcejoga doaibmabáiki.

## Guolástanbieregasiid ja fatnasiid čorgatvuohta

Guolástusas atnojuvvon bivdobieregasiid ja fatnasiid čorgatvuohta dárkkistuvvo seammá lohpebáikkiin, gos lobiid fitne báhpára ala. Lohpebáikkiin lea vejolaš buhtistit (desinfieret) bivdobieregasiid.

## Sálaščuovvun

Sihke almmolaš báikegoddelaš lohpebivdi ja báikkálaš bivdi stággolobiin ja olgobáikkálaš giddodateaiggát galget dahkat guolástannjuolggadusa 5:át logu 30 §:a vuodul sálašalmmuhusa.

**Spiehkastat 30 §:a 4:át momeanttas: Báikegogoddelaččaid oaggunlobi ja almmolaš guolástanlobi hálddašeaddjit galget dahkat bivdobajis 2019 sálašalmmuhusa ovdal čakčamánu 1:as beaivve. Bajábealde máinnašuvvon guolástanlobiid hálddašeaddjit galget dasa lassin addit ovdal vahku 27 čađahuvvon bivddus elektrovnnalaš sálašalmmuhusa dahje báhpára alde sálašrapoartta suoidnemánu 8:át beaivve rádjái. Raporteren gaskkaid oanedeapmi dahkko vehážiid mielde. Jagi 2020 rájes sálašrapoarta galgá doaimmahuvvot bivddu maŋŋá čuovvovaš vuossárgga rádjái.**

Bivdis lea geatnegasvuohta doallat sálašbeaivegirjji (elektrovnnalaš hámis dahje báhpára alde) ja almmuhit Deanu elektrovnnalaš sálašregisterii juohke goddojuvvon luosas, guvžžás, gudjoris, valasis, ruoššaluosas ja gilvvarávdus čuovvovaš dieđuid:

- guovlu, gos lea bivdojuvvon
- bivddu beaivemearri
- sállasa sohkabealli, deaddu ja guhkkodat
- lohkomearri guliin, maid lea luoitán
- bibvdovuohki (stággu/vuogga, golgadat, njáŋggofierbmi, buođđu)



Luitojuvvon guoli dieđuid sohka bealis, deattus ja guhkkodagas ii dárbbáš almmuhit.

Maiddái dalle go ii leat goddán maidege, lea geatnegasvuohta dan almmuhit ja mitalit dan guovllu gos lea bivdán, bivdobeavemeari ja bivdobiergasiid.

Guolásteaddji galgá almmuhit buot luossa-, guvžá-, gudjor-, ja valas-sállášiid ovdalgo sáhtta fas oastit ođđa bivdolobi.

Eará guollešlájaid sálláša sáhtta almmuhit seammá áigge go almmuha luosa-, guvžžá-, gudjor-, ja valas-sállášiid dahje bivdoáigodaga maŋŋel. Almmuhusas galgá leat mielde guđege šlájja oppalaš deaddu sirrejuvvon šlájaid mielde.

Báikegoddelaš bivdit ožžot bivdolobi lonisteddiin prentejuvvon sálašbeavegirjji ja bivdolohpái čálijuvvon persovnnalaš dovddaldaga ja dasa čoavddasáni vai sáhtta čálihit iežas elektrovnnalaš sálašregistarii čujuhusas: <https://www.Tenonkalaluvat.fi/kalastuspaivakirja>

Olgobáikegoddálaš giddodatoamasteaddjit, geat leat várren fanas- dahje gáddelobiid, ožžot šleađgabostii liŋkka sálašalmmuhusa dahkamii.

Olgobáikegoddálaš giddodatoamasteaddjiide guoski lasáhus guolástannjuolggadusa 30 §:as lea ná: **Fanasguolástanlobi dahje gáttis oaggunlobi hálddašeaddji, gean lohpaí lea laktojuvvon okta dahje eanet mánaid lobit, lea geatnegas raporteret mánaid sálláša 30 §:a mielde.**

## **Lapin ELY-keskuksen Utsjoen toimipiste / Lappi EJB-guovddáša Ohcejoga doaimmabáiki**

Nuorgamintie 7 / Njuorggáŋgeaidnu 7

Aukioloajat / Rabasin 20.5-30.8.2019

ma-pe / vuossárggas bearjadahkii

klo / dmu 9:00-11:00 ja 12:30-16:00

Yhteystiedot / oktavuodádieđut:

Mia Ranta-Knuutila 050-3511390

Elisa Kuvaja 050-3962753